

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-1120/23  
Sarajevo, 30.3.2023. godine

**Z A P I S N I K**  
**1. SJEDNICE DOMA NARODA PARLAMENTA FEDERACIJE BOSNE I**  
**HERCEGOVINE, održane 30.3.2023. godine**

Sjednica je počela sa radom u 12:23 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio prisutne delegate.

Predsjedavajući je također pozdravio prisutne članove Vlade, gospođu Jelku Miličević, zamjenicu premijera i ministricu finansija, i gospodina Veska Drljaču, zamjenika premijera i ministra rada i socijalne zaštite.

Izostanak sa sjednice najavila je delegatkinja Vedrana Vujović.

Predsjedavajući je saopštio delegatima da je prestao mandat sljedećim delegatima: Igoru Stojanoviću, Nihadu Uku i Kenanu Magodi - zbog odlaska na drugu dužnost.

Prema evidenciji Stručne službe sjednici prisustvuje 72 delegata, što čini većinu, pa Dom naroda može raditi i punovažno odlučivati.

Predsjedavajući je predložio prisutnima da prije prelaska na rad, pristupe usvajanju Zapisnika Konstituirajuće sjednice, te 1. i 2. vanredne sjednice.

Na osnovu rezultata glasanja, predsjedavajući je konstatovao da je Dom naroda, sa 57 glasova za, 2 glasa protiv i bez suzdržanih glasova, usvojio Zapisnik Konstituirajuće sjednice.

Na osnovu rezultata glasanja, predsjedavajući je konstatovao da je Dom naroda, sa 63 glasa za, 2 suzdržana glasa i bez glasova protiv, usvojio Zapisnik 1. vanredne sjednice.

Na osnovu rezultata glasanja, predsjedavajući je konstatovao da je Dom naroda, sa 62 glasa za, 3 suzdržana glasa i bez glasova protiv, usvojio Zapisnik 2. vanredne sjednice.

Predsjedavajući je prije utvrđivanja dnevnog reda, saopštio da delegati na osnovu člana 104. Poslovnika o radu Doma naroda saopštio, ako žele, mogu postavljati delegatska pitanja ili pokretati inicijative.

**Sanela Klarić** je ponovo postavila pitanje Federalnom ministarstvu poljoprivrede, vodoprivrede i šumarstva vezano za prijedlog programa novčanih podrški u poljoprivredi i planirane mjere ruralnog razvoja za diverzifikaciju ruralnih aktivnosti.

Prvu inicijativu je uputila Federalnom ministarstvu prometa i komunikacije u vezi nedovoljnog ulaganja u očuvanje Livanskih divljih konja.

Drugu inicijativu je uputila prema Federalnom ministarstvu unutrašnjih poslova u vezi uvođenja novog javnog sistema obavještanja o nestanku djece – Amber alert.

Treću inicijativu je uputila Federalnoj upravi za inspekcijske poslove.

Četvrtu inicijativu je uputila Federalnom ministarstvu poljoprivrede, vodoprivrede i šumarstva da na zahtjev Udruženja pčelara u BiH proglasi 20. maj danom pčela.

**Iva Raguč** je postavila pitanje Federalnom ministarstvu zdravstva, nakon upućivanja Inicijative istom ministarstvu 26.5.2022. godine, u vezi iniciranja izmjene naredbe o standardima i normativima zdravstvene zaštite iz obaveznog zdravstvenog osiguranja u FBiH kako bi se omogućilo domovima zdravlja upošljavanje timova za rani rast i razvoj.

**Belma Kapo** je podnijela Inicijativu za dopunu Krivičnog zakona Federacije BiH vezano za kažnjavanje napada na zdravstvene radnike.

**Miomirka Melank** je podnijela Inicijativu za uplaćivanje sredstava Fondu solidarnosti sukladno Zakonu o zdravstvenom osiguranju.

**Goran Bulajić** je podnio Inicijativu za hitnu izmjenu člana 15. Zakona o materijalnoj podršci porodicama s djecom u Federaciji BiH.

Nakon toga, prešlo se na utvrđivanje dnevnog reda.

Na osnovu rezultata glasanja, predsjedavajući je konstatovao da je Dom naroda, sa 64 glasa za, 1 suzdržanim glasom i 3 glasa protiv usvojio sljedeći:

## D N E V N I R E D

- 1) Odluka Ustavnog suda BiH broj: U-18/22 od 22.09.2022. godine
- 2) Nacrt Zakona o jedinstvenim načelima i u okviru materijalne podrške osoba sa invaliditetom
- 3) Prijedlog odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH
- 4) Prijedlog odluke o prihvatanju zaduženja po Ugovoru o zajmu između BiH i Evropske banke za obnovu i razvoj za realizaciju Projekta izgradnje tranvajske pruge lidža – Hrasnica
- 5) Prijedlog odluke o prihvatanju zaduženja po Ugovoru o zajmu između BiH i Evropske banke za obnovu i razvoj za realizaciju Projekta javni prevoz Sarajevo e-Mobility
- 6) Informacija o aktivnostima u postupku izdavanja Energetske dozvole za izgradnju VE Tušnica privrednog društva Winter Wind d.o.o Tomislavgrad sa prijedlogom

zaključka o davanju prethodne saglasnosti u postupku izdavanja Energetske dozvole privrednom društvu Winter Wind d.o.o Tomislavgrad

- 7) Informacija o aktivnostima u postupku izdavanja Energetske dozvole za izgradnju VE Široka Draga privrednog društva Imres d.o.o Livno sa prijedlogom Zaključka o davanju prethodne saglasnosti u postupku izdavanja Energetske dozvole privrednom društvu Imres d.o.o Livno
- 8) Informacija o aktivnostima u postupku izdavanja Energetske dozvole za izgradnju VE Dževa privrednog društva VE d.o.o Glamoč sa prijedlogom Zaključka o davanju prethodne saglasnosti u postupku izdavanja Energetske dozvole privrednom društvu VE d.o.o. Glamoč
- 9) Informacija o primjeni postojeće Srednjoročne strategije razvoja poljoprivrednog sektora u FBiH u 2023.godini do usvajanja nove Strategije poljoprivrede i ruralnog razvoja 2021.-2027., godina
- 10) Informacija o statusu Agencije za privatizaciju u FBiH.

## **1. Odluka Ustavnog suda BiH broj: U-18/22 od 22.09.2022. godine**

Ustavni sud BiH je Parlamentu Federacije BiH dostavio odluku broj: U-18/22 od 22.09.2022. godine kojom je utvrđeno da član 56. stav 3. Zakona o prekršajima („Službene novine Federacije BiH broj: 63/14“) nije u skladu sa članom 2/3E Ustava BiH i članu 6. stav 1. Evropske Konvencije za zaštitu ljudskih prava i osnovnih sloboda.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 63 glasa za, 2 suzdržana glasa i 2 glasa protiv usvojio sljedeći:

### **Z A K L J U Č A K**

Zadužuje se premijer Federacije BiH da u skladu sa Ustavom Federacije BiH osigura izvršenje odluke Ustavnog suda BiH broj: U-18/22 od 22.9.2022. godine.

## **2. Nacrt Zakona o jedinstvenim načelima i okviru materijalne podrške lica sa invaliditetom**

Tekst Nacrta zakona utvrdila je Vlada Federacije BiH.

Predstavnički dom je obavijestio Dom naroda da je na svojoj 2. sjednici, održanoj 15.3.2023. godine, razmatrao Nacrt ovog Zakona i Zaključkom ga prihvatio.

Tom prilikom Nacrt ovog Zakona je stavljen na javnu raspravu.

Nacrt Zakona razmatrala su također i nadležna radna tijela.

Vesko Drljača, ministar i zamjenik premijera Vlade Federacije BiH obrazložio je Nacrt Zakona o jedinstvenim načelima i okviru materijalne podrške lica sa invaliditetom.

U raspravi su učestvovali Iva Raguž i Almir Babajić.

Na osnovu rezultata glasanja, predsjedavajući je konstatovao da je Dom naroda, sa 68 glasova za, bez suzdržanih glasova i bez glasova protiv, prihvatio sljedeći:

## ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o jedinstvenim načelima i okviru materijalne podrške lica sa invaliditetom, te smatra da može poslužiti kao osnov za izradu Prijedloga zakona.
2. Zadužuje se Vlada Federacije BiH da organizuje i sprovede javnu raspravu u trajanju od 90 dana u skladu sa procedurama predviđenim u Ustavu Federacije za donošenje zakona iz zajedničke nadležnosti federalne vlasti i kantona.
3. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i Nacrt zakona o jedinstvenim načelima i okviru materijalne podrške lica sa invaliditetom dostavi kantonalnim skupštinama radi davanja svog mišljenja u roku od 90 dana od dana dostave ovog zaključka.
4. Zadužuje se predlagač da, prilikom izrade Prijedloga zakona, ima u vidu primjedbe, prijedloge i sugestije iznesene u raspravi na sjednici Doma naroda, javnoj raspravi i mišljenja kantonalnih skupština.

### **3. Prijedlog odluke o izboru predsjednika, zamjenika predsjednika i članova radnih tijela doma naroda Parlamenta FBiH**

Prijedlog odluke utvrdila je Privremena komisija za izbor i imenovanja.

Predsjednik Privremene komisije za izbor i imenovanja, Vesna Saradžić, obrazložila izvještaj Privremene komisije za izbor i imenovanja.

Predsjedavajući je pročitao sastav radnih tijela:

#### **1. Komisija za ustavna pitanja:**

Damir Džeba predsjednik,  
Vibor Handžić zamjenik,  
Žarko Vujević član,  
Oliver Soldo član,  
Daliborka Milović član,  
Nezim Alagić član,  
Mirnes Bašić član,

- iz reda stručnih, naučnih, kulturnih i javnih radnika imenovani su: Merin Serdarević i Ivo Bevanda.

## **2.Zakonodavno - pravna komisija:**

Haris Zahiragić, predsjednik,  
Mladen Simić, zamjenik,  
Aljoša Čampara, član,  
Žarko Vujović, član,  
Ivica Pavković, član,  
Belma Kapo, član,  
Mladen Šarić, član.

- iz reda stručnih, naučnih, kulturnih i javnih radnika predloženi su Jasmin Duvnjak i Dragan Brkić, ustvari predloženi su.

## **3. Administrativna komisija**

Tomislav Martinović, predsjednik,  
Damir Šišić, zamjenik,  
Ivo Tadić, član,  
Goran Broćeta, član,  
Slađan Ilić, član,  
Sanela Klarić član,  
Fatima Smailbegović – Gavrankapetanović, član.

## **4.Komisija za ljudska prava i slobode**

Miomirka Melank, predsjednik,  
Iva Raguž, zamjenik,  
Daliborka Milović, član,  
Izen Hajdarević, član,  
Muamer Zukić, član,  
Ivana Zrimšek – Šaravanja član,  
Almir Babajić, član.

## **5.Komisija za sigurnost**

Aljoša Čampara predsjednik,  
Ilija Nakić zamjenik,  
Halil Selilmbašić član,  
Miroslav Mitrović član,  
Nikola Materić član,  
Mehmed Mahmić član,  
Dragan Konta član.

#### **4. Komisija za izbor i imenovanja;**

Milan Ševo predsjednik,  
Mirnes Bašić zamjenik,  
Kristina Petrović član,  
Halil Selimbašić član,  
Ilija Ilić član,  
Goran Bročeta član,  
Arman Zelihić, član.

#### **5. Komisija za informisanje:**

Arman Zalihić, predsjednik,  
Anto Bilić, zamjenik,  
Almina Sivić, član,  
Irma Memidžan, član,  
Branka Sijedić, član,  
Dragana Damjanović, član i  
Boris Mrnjavac, član.

#### **6. Komisija za jezička pitanja:**

Vesna Saradžić predsjednik,  
Silva Banović zamjenik,  
Zora Dujmović član,  
Boris Mrnjavac član,  
Almina Sivić član,  
Emir Dautović član,  
Senita Hamdukić član,  
iz reda stručnih znanstvenih kulturnih i javnih radnika: Gospova Kozar i Ana Tadić-  
Jakovljević.

#### **7. Komisija za jednakopravnost spolova**

Aida Obuća predsjednik,  
Marina Mujkanović zamjenik,  
Amra Babić član,  
Duško Radun član,  
Jelena Pekić član,  
Ivan Odak - član i  
Sandra Imširović – član.

## **8. Mandatno-imunitetska komisija**

Ivan Ivić – predsjednik,  
Ljubinka Atanasijević-zamjenica,  
Mehmed Memišević-član,  
Mehmed Mahmić-član,  
Svetlana Kamenjaš-član,  
Ivo Šimunović-član,  
Albin Zuhrić-član.

## **9. Odbor za ekonomsku i razvojnu politiku, finansije i budžet**

Amra Babić- predsjednik,  
Oliver Soldo-zamjenik,  
Ivan Ševo – član,  
Jelena Pekić-član,  
Zora Dujmović-član,  
Hikmet Hodžić-član,  
Fahrudin Čolaković-član,  
Tanja Šantić-član,  
Belma Kapo – član.

## **10. Odbor za privredu**

Ivan Odak – predsjednik,  
Nezim Alagić- zamjenik,  
Jelena Pekić-član,  
Vedrana Vujović – član,  
Berina Fejzić-član,  
Almir Orlović-član,  
Nikola Materić-član,  
Sanela Klarić-član i  
Azhar Sejarić-član.

## **11. Odbor za prostorno uređenje, ekologiju i stambeno-komunalne poslove**

Kristina Petrović-predsjednica,  
Dragan Konta – zamjenik,  
Svetlana Kamenjaš-član,  
Sanela Klarić-član,  
Eldin Delić-član,  
Hikmet Hodžić-član,  
Irfan Čengić-član,

Dragica Suša-član i  
Boris Mrnjavac – član.

## **12. Odbor za poljoprivredu, vodoprivredu i šumarstvo**

Ilija Ilić –predsjednik,  
Mladen Lonić-zamjenik,  
Emir Dautović-član,  
Eldin Delić-član,  
Vesna Saradžić-član,  
Ivan Ivić-član,  
Ivan Odak-član,  
Dževad Hadžić-član i  
Sanela Klarić-član.

## **13. Odbor za denacionalizaciju i privatizaciju**

Ivica Pavković-predsjednik,  
Sandra Imširović- zamjenica,  
Miroslav Mitrović-član,  
Mehmed Memišević-član,  
Irfan Čengiće-član,  
Ljubinka Atanasijević-član,  
Damir Marjanović-član,  
Anto Bilić-član,  
Halil Selibašić-član.

## **14. Odbor za pravdu, opću upravu i lokalnu samoupravu**

Senad Alić – predsjednik,  
Arman Zalihić-zamjenik,  
Vibor Handžić-član,  
Azhar Sejarić-član,  
Goran Bulajić-član,  
Duško Radun- član,  
Iva Raguž-član,  
Boris Mrnjavac – član i  
Tanja Šantić-član.

## **15. Odbor za povratak izbjeglih, prognanih i raseljenih osoba**

Dževad Hadžić-predsjednik,  
Mladen Šarić-zamjenik,  
Mladen Lonić-član,  
Ljubinka Atanasijević-član,



Damir Šišić-član,  
Ivo Šimunović-član,  
Dragana Damjanović-član,  
Senad Alić-član i  
Sandra Imširović-član.

#### **16. Odbor za obrazovanje, nauku, kulturu, sport i pitanja mladih**

Emir Dautović-predsjednik,  
Zora Dujmović-zamjenica,  
Damir Marjanović-član,  
Silva Banović-član,  
Aida Obuća- član,  
Azhar Sejarić-član,  
Smiljana Viteškić-član,  
Branka Cvijetić-član i  
Belma Kapo – član.

#### **17. Odbor za branilačka i invalidska pitanja, rad, zdravstvenu i socijalnu zaštitu**

Ivo Tadić-predsjednik,  
Fahrudin Čolaković-zamjenik,  
Ilija Nakić-član,  
Oliver Soldo – član,  
Amir Orlović-član,  
Goran Bulajić-član,  
Irma Memidžan-član,  
Mladen Simić-član i  
Fatima Gavrankapetanović-Smailbegović, član.

#### **18. Zajednička radna tijela Parlamenta Federacije BiH**

- **Parlamentarna komisija odgovorna za reviziju**  
Predloženi su:
- Izen Hajdarević, Slađan Ilić, Tomislav Martinović, Tomislav Mandić, Vesna Saradžić, Muamer Zukić i Damir Džeba.
- **Zajednička komisija za usuglašavanje različito usvojenih tekstova zakona u domovima Parlamenta Federacije BiH**  
Predloženi su :
- Haris Zahiragić, Ivana Zrimšek Šaravanja, Dragan Konta, Irfan Čengić i Žarko Vujović.

Predsjedavajući je saopštio prisutnima da je Kolegij Doma naroda dogovorio ovaj sastav radnih tijela nakon usaglašavanja sa predsjednicima klubova, a na prijedlog Privremene komisije za izbor i imenovanja.

U raspravi su učestvovali Dževad Hadžić, Tomislav Martinović, Izmir Hadžić, Irfan Čengić, Jelena Pekić, Ivica Pavković, Miomirka Melank i Vibor Handžić.

Na osnovu rezultata glasanja, predsjedavajući je konstatovao da je Dom naroda sa 49 glasova za, 9 suzdržanih glasova i 7 glasova protiv prihvatio Prijedlog odluke o izboru predsjednika, zamjenika predsjednika i članova radnih tijela doma naroda Parlamenta FBiH.

#### **4. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta izgradnja tramvajske pruge Ilidža-Hrasnica**

Tekst Prijedloga odluke dostavila je Vlada Federacije BiH.

Predstavnički dom obavijestio je Dom naroda da je na 2. sjednici, održanoj 15.3.2023. godine, donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta izgradnja tramvajske pruge Ilidža-Hrasnica.

Tom prilikom Predstavnički dom je donio Zaključak.

Prijedlog odluke razmatrala su i nadležna radna tijela.

Predstavnik Vlade Federacije BiH, Vedad Nezirić, obrazložio je Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta izgradnja tramvajske pruge Ilidža-Hrasnica.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 52 glasa za, bez suzdržanih glasova i bez glasova protiv, donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta izgradnja tramvajske pruge Ilidža-Hrasnica.

#### **5. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) ZA realizaciju Projekta Javni prijevoz Sarajevo e-Mobility**

Tekst Prijedloga odluke dostavila je Vlada Federacije BiH.

Predstavnički dom je obavijestio Dom naroda da je na 2. sjednici, održanoj 15.3.2023. godine, donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Javni prijevoz Sarajevo e-Mobility.

Prijedlog odluke razmatrala su nadležna radna tijela.

Prijedlog odluke obrazložio je Vedad Nezirić, predstavnik Vlade Federacije BiH.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda sa 54 glasa za, bez suzdržanih glasova i bez glasova protiv, donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Javni prijevoz Sarajevo e-Mobility.

#### **6. Informacija o aktivnostima u postupku izdavanja Energetske dozvole za izgradnju VE Tušnica privrednog društva Winter Wind d.o.o. Tomislavgrad, sa Prijedlogom zaključka o davanju prethodne saglasnosti u postupku izdavanja Energetske dozvole Privrednom društvu Winter Wind d.o.o. Tomislavgrad**

Informaciju je utvrdila Vlada Federacije BiH.

Također, Vlada Federacije BiH dostavila je i Prijedlog zaključka o davanju prethodne saglasnosti u postupku izdavanja Energetske dozvole Privrednom društvu Winter Wind.

Predstavnički dom je obavijestio Dom naroda na je na 2. sjednici, održanoj 15.3.2023.godine razmatrao Informaciju o aktivnostima u postupku izdavanja Energetske dozvole za izgradnju VE Tušnica i donio Zaključak o davanju prethodne saglasnosti u postupku izdavanja Energetske dozvole.

Informaciju i Prijedlog zaključka obrazložio je Halko Balavac, pomoćnik ministra Federalnog ministarstva energije, rudarstva i industrije za sektor energije.

U raspravi su učestvovali Sanela Klarić, Almir Babajić i Halko Balavac.

Na osnovu rezultata glasanja, predsjedavajući je konstatovao da je Dom naroda sa 57 glasova za, bez suzdržanih i bez glasova protiv, usvojio sljedeći:

#### **Z A K L J U Č A K**

1. Daje se prethodna saglasnost Federalnom ministarstvu energije, rudarstva i industrije u postupku izdavanja Energetske dozvole privrednom društvu Winter Wind d.o.o. Tomislavgrad za izgradnju vjetroelektrane Tušnica instalirano naziva snage 72,6 megavata, 11x6,6 MW odobrene snage priključenja 72,6 MW planirane godišnje proizvodnje električne energije 193 gigavata koja se planira graditi na planinskom području brda Jelovača – Tušnica na području Općine Tomislavgrad.
2. Zadužuje se Federalno ministarstvo energije, rudarstva i industrije da pristupe aktivnostima iz člana 23. stav 4., 5., 6. i 7. i člana 24. Uredbe o postupku i kriterijima, formi i sadržaju zahtjeva za izdavanje Energetske dozvole za izgradnju novih i rekonstrukciju postojećih proizvodnih postrojenja („Službene novine Federacije BiH“ broj: 27/14) na izdavanje Energetske dozvole iz tačke 1. ovog Zaključka.

3. Ovaj Zaključak stupa na snagu narednog dana od dana objavljivanja u Službenim novinama Federacije BiH.

**7. Informacija o aktivnostima u postupku izdavanja Energetske dozvole za izgradnju VE Široka Draga privrednog društva „Imres“ d.o.o. Livno sa Prijedlogom zaključka o davanju prethodne saglasnosti u postupku izdavanja Energetske dozvole privrednom društvu „Imres“ d.o.o. Livno**

Informaciju je utvrdila Vlada Federacije BiH i dostavila je Parlamentu Federacije BiH na daljnje postupanje.

Predstavnički dom je obavijestio Dom naroda na je na 2. sjednici, održanoj 15.3.2023.godine, razmatrao Informaciju o aktivnostima u postupku izdavanja Energetske dozvole za izgradnju VE Široka Draga privrednog društva „Imres“ d.o.o. Livno i donio Zaključak o davanju prethodne saglasnosti o postupku izdavanja Energetske dozvole.

Informaciju je obrazložio Halko Balavac, predstavnik Vlade Federacije.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda sa 51 glasom za, 4 suzdržana i bez glasova protiv, usvojio sljedeći:

#### Z A K L J U Č A K

1. Daje se prethodna saglasnost Federalnom ministarstvu energije, rudarstva i industrije u postupku izdavanja Energetske dozvole privrednom društvu Imres d.o.o. Livno za izgradnju vjetroelektrane Široka Draga instalirane nazivne snage 125,4 megavata, odnosno 19x6,6 MW odobrene snage priključenja na 125,4 MW, odnosno 19x6,6 MW planirane godišnje proizvodnje električne energije od 403 gigavata koja se planira graditi na planinskom području brda Kamešnica na području Općine Livno i Tomislavgrad.
2. Zadužuje se Federalno ministarstvo energije, rudarstva i industrije da pristupe aktivnostima iz člana 23. stav 4., 5., 6. i 7. i člana 24. Uredbe o postupku i kriterijima, formi i sadržaju zahtjeva za izdavanje Energetske dozvole za izgradnju novih i rekonstrukciju postojećih proizvodnih postrojenja („Službene novine Federacije BiH“ broj: 27/14) na izdavanje Energetske dozvole iz tačke 1. ovog Zaključka.
3. Ovaj Zaključak stupa na snagu danom donošenja, ustvari stupa na snagu naredog dana od dana objavljivanja u Službenim novinama.

**8. Informacija o aktivnostima u postupku izdavanja Energetske dozvole za izgradnju VE Dževa privrednog društva „Vjetroelektrane“ Glamoč sa prijedlogom zaključka o davanju prethodne saglasnosti u postupku izdavanja Energetske dozvole privrednom društvu „Vjetroelektrane“ d.o.o. Glamoč**

Informaciju i Prijedlog zaključka o davanju prethodne saglasnosti u postupku izdavanja Energetske dozvole, utvrdila je Vlada Federacije BiH.

Predstavnički dom je obavijestio Dom naroda na je na 2. sjednici, održanoj 15.3.2023. godine, razmatrao i prihvatio Informaciju o aktivnostima u postupku izdavanja Energetske dozvole za izgradnju VE Dževa i donio Zaključak o davanju prethodne saglasnosti u postupku izdavanja Energetske dozvole.

Informaciju i Prijedlog zaključka obrazložio je Halko Balavac, predstavnik Vlade Federacije BiH.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda, sa 59 glasova za, 2 suzdržana i bez glasova protiv, usvojio sljedeći:

#### Z A K L J U Č A K

1. Daje se prethodna saglasnost Federalnom ministarstvu energije, rudarstva i industrije u postupku izdavanja Energetske dozvole privrednom društvu za izgradnju Vjetroelektrane d.o.o. Glamoč za izgradnju VE Dževa instalirane nazivne snage 46 megavata, 7x6x1,4 MW odobrene snage priključenja na 46 MW, planirane godišnje proizvodnje električne energije od 106 gigavata koja se planira graditi na području Općine Glamoč.
2. Zadužuje se Federalno ministarstvo energije, rudarstva i industrije da pristupe aktivnostima iz člana 23. stav 4., 5., 6. i 7. i člana 24. Uredbe o postupku i kriterijima, formi i sadržaju zahtjeva za izdavanje Energetske dozvole za izgradnju novih i rekonstrukciju postojećih proizvodnih postrojenja na izdavanju Energetske dozvole iz tačke 1. ovog Zaključka.
3. Ovaj Zaključak stupa na snagu narednog dana od dana objavljivanja u Službenim novinama Federacije BiH.

**9. Informacija o primjeni postojeće Srednjoročne strategije razvoja poljoprivrednog sektora u Federaciji BiH u 2023. godini do usvajanja nove Strategije poljoprivrednog i ruralnog razvoja 2021.-2027.**

Vlada Federacije BiH dostavila je Informaciju o primjeni postojeće Srednjoročne strategije razvoja poljoprivrednog sektora.

Predstavnički dom je obavijestio Dom naroda da je na 2. sjednici, održanoj 15.3.2023. godine, razmatrao i primio k znanju Informaciju o primjeni postojeće Srednjoročne strategije razvoja poljoprivrednog sektora u Federaciji BiH u 2023.godini do usvajanja nove Strategije poljoprivrednog i ruralnog razvoja 2021.-2027.

Informaciju je obrazložio Beško Alibegović, pomoćnik Federalnog ministra za poljoprivredu i prehrambenu industriju u Federalnom ministarstvu poljoprivrede, vodoprivrede i šumarstva.

U raspravi su učestvovali Irfan Čengić, Emir Dautović, Sanela Klarić i Beško Alibegović.

Presjedavajući je saopštio delegatima, s obzirom da je Informacija dobijena od strane Vlade Federacije BiH, da se o njoj nema potrebe izjašnjavati.

## **10. Informacija o statusu Agencije za privatizaciju u Federaciji Bosne i Hercegovine**

Vlada Federacije BiH dostavila je radi informisanja Parlamentu Federacije BiH Informaciju o statusu Agencije za privatizaciju Federaciji BiH.

Predstavnički dom je obavijestio Dom naroda na je na 2. sjednici, održanoj 15.3.2023. godine, razmatrao Informaciju o statusu Agencije za privatizaciju u Federaciji BiH i tom prilikom usvojio Zaključak.

Informaciju je obrazložio Drago Vrbić, zamjenik direktora Agencije za privatizaciju.

U raspravi su učestvovali Goran Bulajić, Drago Vrbić, Aida Obuća i Tomislav Martinović.

Presjedavajući Doma naroda Tomislav Martinović obavijestio je delegate da je Predstavnički dom donio sljedeći:

### **ZAKLJUČAK**

Predstavnički dom Federacije BiH zadužuje Odbor za ekonomsku i finansijsku politiku da zajedno sa Vladom Federacije BiH pokuša iznaći rješenje u vezi s ovom problematikom.

Presjedavajući je ponudio delegatima konkretniji zaključak, na usvajanje.

Na osnovu rezultata glasanja, predsjedavajući je konstatovao da je Dom naroda, sa 39 glasova za, 1 suzdržanim i bez glasova protiv, usvojio sljedeći:

### Z A K L J U Č A K

1. Dom naroda Federacije BiH zadužuje Odbor za ekonomsku i razvojnu politiku, finansije i budžet da u saradnji sa Vladom Federacije BiH riješi statusni problem, riješi statusne, finansijske i materijalne probleme u funkcionisanju Agencije za privatizaciju Federacije BiH.
2. Zaključak stupa na snagu danom donošenja.

\* \* \*

Transkript sjednice čini sastavni dio Zapisnika.

\* \* \*

SEKRETAR  
Izmir Hadžić

PREDSJEDAVAJUĆI  
Tomislav Martinović